

## Edizioni

- letto 641 volte

## Wallensköld

I.

Une dolor enossee  
s'est dedenz mon cuer  
que je ne puis oster fuer  
por nule riens qui soit nee;  
c'est dolor d'amors,  
dont n'ai confort ne secors,  
ainz cuit ce que j'aim me hee.

II.

Dolenté desesperee  
doit on geter puer,  
ne je ne vueil a nul fuer  
qu'ele soit en moi entree.  
Melz aim mes dolors  
sousfrir et les granz poors,  
que sousfrir vaint consieuree.

III.

Dame, ainz ne m'osai conplandre  
a vous tant ne quant,  
que vostre biauté tres grant  
fet mon sens el cuer estaindre,  
si que n'ai pouoir  
de vous dire mon voloir;  
por tant puet touz jorz remaindre.

IV.

Bien voi que n'i puis ataindre  
par nul mandement,  
n'en qier, voir, parler avant  
ne aillors ne m'en vueil plaindre;  
ainz atendrai, voir,  
sa merci de dur voloir,  
se pitiez ne la fet fraindre.

V.

N'os entrer en son repaire,  
tant dout son corroz.

As sospirs et as sangloz  
m'en tieng, que n'en puis plus faire;  
ainz vois aorant  
le leu et merci criant  
conme a un haut saintuaire.

VI.

Dame, cui j'aim tant,  
quelque bien en delaiant  
me donnez por plus atraire.

VII.

Bernart, cil qui sent  
mes maus et merci n'atent  
trop a ennui et contraire.

- letto 421 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/edizioni-450>